

寒天詩集

卷一

寒天詩集



冀魯道中

一九三五年七月
何梅村定答后輩北大撤
軍庫中悲憤難忍賦此志切齒之恨

委地求和避敵鋒
流民千里泣途窮
破車欹側平原雨
古道低徊燕趙風
夏听哀笳催馬足
愁看落日暗山容
草煙大野春无际
北曲黃河帶怒潮
甲戌小雪九十二
劉工天重書

序

劉子工天平生喜游方其少壯自負之年遍歷冀魯蘇浙皖贛川黔名山大川呼吸萬壑烟霞發為詩歌則壯麗綽約而莫測搖五岳而凌滄洲矣亦因世路崎嶇留落不偶輒作自訟之謳三十年代中期余與劉子同客自貢供職川康鹽廨深知其人之任俠好義光明磊落初不知其音律詞章之學尤稱絕唱及其以征車響聲詩鈔見示洛誦回環始訝其造詣之深也詩集在川南印行不多距今半世紀矣世態滄桑復經動亂浩劫原集散失殆盡而叩之今日鹽都耆宿尚有能背誦集中佳作全章者津津咏味如學童之誦唐詩然所謂膾炙人口詩之可傳者殆非類此耶近聞其哲嗣方將其著作掇英付梓用贈友好囑余為之序叨在交末熟知劉子之為人終其身嘔心瀝血凝逸世清音良可欽也爰記其梗概云爾是為序

孫荷庵年八十有四

己巳重陽

自序

余嗜詩而不能詩不學之過也且狃于積習對古人之詩未敢專尊一家為主臬惟以動乎情者是尚無如資鈍腹儉凡有所作終類無源之水涸如也余自幼吟哦今臻耄耄其間屢經戰亂浩劫舊日積草悉化灰燼所存者率系文化大革命後衰年產物故多傷老之謳偶有一二往作乃憑記憶所錄一并付諸剞劂用饋友好聊當覲面之謀愉愉如也時在一九八九年十月

歲月如流及至一九九四年甲戌歲末又有積草二百余首就中擇取差堪入目者與前作匯成一冊妄災梨棗云

片羽選集

一、古風

二、五絕

三、七絕

四、五律

五、七律

六、詞曲

附件一、葛寶亭教授撰《頑石——一詩的啟示》

二、洪橋教授撰《一位傳奇詩人——劉工天其詩其人》

片羽選集

劉工天詩集

片羽選集

劉工天去惡作

古風

憤者之歌

一九二七年作初錄于《征車響聲》

此身痛苦過罪囚，不如犬馬及駝牛。倦時主人撫慰倍懷柔，欲扶犁，無隴疇。欲搖槳，無葉舟。胼手胝足食難周。朱門高貴子，不耕不織據瓊樓。擁麗姝，賭風流，月移欄杆舞未休。飲玉漿，饜珍羞，猶恨味薄怒咻咻。竊國殃民盡封侯，血滿江河緣竊鉤。貔貅貔貅爾凝眸，我不斬殺爾淨盡，任爾食盡我髑髏，莫將寸骨留！

咏神州五絕古

一九九四年八月

金陵寶藏雨花石，天然彩繪美於詩。或隱蒼山浮雲海，或現青溪草木滋。或起蘆花雁振羽，或顯仙女御風馳。我子宇一愛成癖，幼年挖掘竟如痴。及長置作臨摹本，恍親面命丹青師。疇昔旅居香港矣，猶來搜求勝孩時。僥幸冥冥逢泰運，揀得一枚冠芳姿。形似兒童長命鎖，體類網球略小之。

抹淨黏土光華曜，驚喜神品造化奇。赫赫祖國地輿貌，輪廓分明唱曉鷄。
瓊崖臺灣瑩海峽，拱衛大陸沐春曦。巨龍雄峙北疆宇，昂首東瀛固藩籬。
背馱熠熠金元寶，象徵中華富萬巖。天貺瑞玉蘊五絕，吉兆十億神州千秋
萬代日永照！

五絕

墟溝道中

一九三一年

風輕萬綠閑一鳥下雲關馬背人無事搖鞭數亂山

夜行雲臺山下

踽踽雲臺麓山高月色昏險夷憑足問顛撲到柴門

山行鹽源道中

日日盤崇嶺長空斷鳥啼相逢山裏店無客不呼疲

雨后

殷殷江若潰咯咯蛙如醉簾外夜沉沉淒淒人不寐

夏日靈谷

古木遮炎日新篁漾碧陰山深無盛暑一路踏涼雲

憑虛

憑虛千萬里仿佛倚天門五岳兩三點江河碧數痕

閱案頭日曆有感

歲月無聲去鬚眉黟者稀驚心翻案曆明日又星期

囊括

囊括河山日躊躇逞虎威六朝人去也風雨幾霏霏

七絕

送春

草長花飛又一春青詞佳釀送歸程春來春去人將老知是送春春送人

道中

揚鞭心事絕塵埃傾盡行囊彳亍回方嘆窮途知己少青山前路笑迎來

一九二八年

注：吾師楊松崖先生朱批曰「匪夷所思」

不貧

吳市吹簾燕市丐芒鞋竹杖慣飄零風風雨雨平生路肝膽隨身不算貧

注：此絕在一九八九年初版刊出後詩友王亞梅先生讀之深為喜愛遂引用于其大作《伏櫪吟·漫興》中曰「風風雨雨平生路傲骨猶存不算貧」

雪旅

長河冰冱雪飛花大野茫茫一望賒數點寒鴉來送遠半肩行李走天涯

過金陵

六朝烽火幾回驚依舊長江繞石城滾滾英雄如過雁蘆花一宿去無聲

西行道中

胡霜漢月古邊關西域頻勞開拓寬幾度旌旗風捲過了無聲息古樓蘭
定遠請纓志氣豪貔貅縱橫戰雲高伏尸幾度龍沙寂殘鐵無人識寶刀

注：東漢名將班超平定西域保護絲綢之路于章帝永元年間受封定遠侯

頑石

玄武湖假山前立有童子拜觀音石各一北宋宮庭遺物也明初取至金陵置中山王徐達府

邸即今之瞻園人民建政后移此余每過之輒有所感賦此以舒鬱結

頑石無言立夕暉花綱舊事記依稀趙家主僕知多少一去臨安胡不歸

注：中國人民解放軍海軍醫學專科學校副教授葛寶亭先生曾于一九九四年五月對此絕作有點

評（附后）

深秋訪琅玕

挈兒扶疾訪琅瑯為受霜楓一駐車滿目蕭疎秋盡老二三殘葉亂離花
劉郎仿佛入天臺深秀禪宮雲半埋鐘磬無聲山寂寂紅塵僧去未歸來

注：在「文革」中僧侶被逐一空

送別老友母光亞從貴陽來訪

風雪江湖托鉢行芒鞋踏破骨嶙峋平生交友知多少萬里勞君訪故貧
西窗夜話忽聞鷄積愫未消又別離氣笛一聲君去也山長水遠夕陽低
為東王楊秀清歷史冤案鳴不平

道是古今屈事多九泉難問泪滂沱董狐去后馬遷死辨雪憑誰伐鼓鼉
兩字逼封百載冤堪悲斷史想當然衰肩敢懈毛錐任要為東王活幾年

（時余年七十有九方為東王辨雪撰文慮來日無多故有斯語一九八一年事也）

懷張去非表弟

一九八二年中秋前夕

匆匆一歲又中秋翹首瀛臺惹夙愁游子未歸歡未足今宵月欠一分稠

盛暑游玄武湖

筠榻生烟日照雄思量避暑去何從杖頭羞澀登山遠來買鄰湖半日風

秋夜

蟲聲唧唧竹猗猗煮茗敲詩夜半時靜對芸窗淡無語清風如友月如妻

哭去非弟

一九八四年二月客有自臺灣來者携興孝表侄口信謂乃父已逝世別無他言聞之愴然涕下

海灣咫尺竟天涯喚渡無從雁影賒雲外客來傳噩耗傷心東望泪如麻
猶憶當年竹馬交晨昏相伴勝同胞舊時門巷依然在從此淒涼過內橋
去惡去非砥礪堅潔身兼愛效前賢茫茫塵海悲同溺頑石雙雙未補天
每逢佳節倍增愁此日何堪隔冥幽一望東瀛成一慟招魄渺渺暮雲稠

贈楊石青先生

雲臺山 一九八四年八月三日江南詩詞學會同仁雅集古崇正書院與楊公邂逅承告于一九三十一年在
故鄉雲臺山之大村仇英處曾見及拙吟墟溝道中一絕至今未忘隨朗誦焉余與楊公素未謀面而深

愛如此神交可感自愧一生聊倒殊負雅望不禁潸然流涕

雲臺山下偶行吟譜入高人流水琴五十三年勞錦注江南初識舊知音
投筆少年奮枕戈許身銳氣邁人多匆匆馬老雕弓折負却鍾期雅望何
憶仇英先生

崢嶸歲月憶仇英嘯傲雲臺仗義人肥馬輕裘情似昨重逢何日話芳辛
不知何處是君家訪遍天涯又海涯萬縷離情兩行泪催開一樹斷腸花
秋日短足東郊

鍾阜猶青陌草葱氣清廣宇杖游筇尋來不識秋何在九月江南葉未紅
長子宇一公幹途中歸省 一九八四年十二月十六日

游子歸來喜泪彈劫余瘦骨幾回看十年苦難傾難盡夜色沉沉又跨鞍
答何伯厘老友

津門話別隔關山老去劉郎白屋寒歷盡風霜余瘦骨只無人處拍欄杆
答朱一風詩老觀梅見遺

高履明陵訪綠珠載歸花氣滿巾裾氤氲莫任風吹散袖贈劉郎問可無
春日

秧田新雨浸前山
桃正含苞柳未鈇
布谷飛來春色曉
一聲啼綠大江南

礪字一

始聞承乏廣西藝術學院副院長

少小勉知礪學行
懷饑負笈奔神京
傷心祭酒黷門扃
罪在乃翁冊賤民
弱冠寫生興致酣
芒鞋箬笠四方探
彩毫不着閑山水
慣頌英雄一寸丹
無端蝸角動戈矛
血涌邕江兩岸浮
天相我兒逃劫運
倚門難數十年愁
半世辛勤此肇基
仔肩任重路嶽崎
搜才濫挂珊瑚網
正是男兒踴厲時

答楊石青先生觀梅見遺

雅集孝陵獨掩遲
幾番神往舊花痴
輸君買將春歸去
襟抱幽芳十萬枝
讀馬依群詩翁望春詩鈔有贈

鬚眉聳動奮思飛
手把長纓潰敵圍
滌淨腥污青故國
搖鞭春伴馬蹄歸
過孝陵

高陵聳翠草離離
殿宇灰飛剩石基
風雨無情摧帝力
只余翁仲立如儀
過胭脂井

綺樓歌舞玉蟾低北國人來帝祚移剩有荆榛埋辱井寒蛩如訴繞欄啼

注：井在鷄鳴寺後陳後主與張麗華曾避隋兵于其中故後世以胭脂名之亦稱辱井云

加拿大殘疾青年漢森異行贊

下肢癱疾漢森君加惠貧殘捐募營八萬里程三百日手搖輪椅五洲行
超凡俊績事空前不解身殘道義肩一代奇英鳴國際倩誰新譜俠行篇

題古梅圖

丹青蘸飽筆頭肥不畫繁英蛺蝶飛欲向羅浮描倩影圈圈點點蓄芳菲

有鄰叟不為子女孝養者告余以愁情囑代謳吟將粘諸床頭不時誦之
遣懷云

風華歲月久成烟頭白江湖未歇肩愁緒縈懷難入夢月涼如水夜如年
漫嗟親友斷音書垂暮囊空子女疎剩有匡床情似舊清宵長伴一燈孤

題懸流圖

隱在深山有軌才得時傾瀉勢如雷不辭萬壑千崖險要潤人間涸魴來

梅花時節

梅香雪影孝陵窩新見春融翠羽歌正是尋芳好時節青衫紅袖一波波

酬李一宣先生

兩情似水蕩心間
謳罷新詩托雁傳
皓首神交艱一面
奈何天底萬重山

過清涼山

清涼山下竹猗猗
翠影婆娑日漸西
齊殿唐宮何處是
滿林落葉亂鴉啼

西風

西風漸緊不聞蛩
柳岸昏鴉送暮潮
秋到荒江人共瘦
蘆花霜鬢兩蕭蕭

過雁

莽莽長空剩落暉
蒼茫前路幾微憐
一宿天涯猶問蘆
花何處肥

童孫女浩眉參加民族杯小歌手邀請賽喜賦

十六省區集乳鶯
輕歌曼舞滄江喧
老夫笑綻銀鬚口
媲美仙仙有女孫
青枝搖曳錦時風
吐秀含芬萬綠叢
珍惜韶光催蓓蕾
一番春雨一番紅

垓下

北斗橫斜畫角鳴
楚歌四面馬蹄驚
美人淒婉大王泣
千古悲涼是此聲

感懷

偶扶筇杖入雲巒滿目清新興致寬昨日少年今老去好河山許幾回看

燕子磯春日

夜來微雨濕江橋斷岸沙平落早潮燕子磯頭春意鬧杏花如粉賣銀魴

聊齋志異讀後

崎嶇世路困留仙滿腹經綸不值錢孤憤滔滔無說處淒然化作鬼狐禪
仁心俠氣泄無由墮泪人間萬斛愁說部叢中稱第一低昂讀作小春秋

三月

芳景爭誇三月天尋來何物可人憐海棠妖艷梨花瘦好是霏霏看柳烟

過駐馬坡

龍蟠虎踞論江東碧眼綸巾并轡雄礮礮依稀人去遠滿林落葉夕陽紅

偶成

少年仗劍去游方自許超塵器宇昂百劫歸來何所有一身風雨滿頭霜

詩人節有感

散髮徘徊汨水湄懷讒去國獨淒其丹忱難得君王識化作秋芳潤楚辭

胸次茫茫老甲兵誰憐偃蹇以詩名秋風破屋荒江月千載猶聞墮泪聲
秋晨

清秋高曠遠林緋雁陣南翔牧草肥一夜西風關塞白馬蹄得意踏霜飛
次韵和荷庵見遺

一别匆匆卅載奇巴陵重話望中稀蒼涼白髮關山遠兩地相思春又歸
春晨

夜來雨濕草烟凝柳岸風輕玉宇澈春漲桃花漁汎早綠茵抱膝看扳罾
觀岳福珍女士麥秸花鳥畫有贈

不用彩毫用麥秸香花錦羽巧安排珍稀妙造驚神品別樣丹青玉手裁
母愛 老妻為字甲冬初有感

敲窗雪霰伴昏燈老眼皺顏夜引針鋪絮千重猶恨薄慈懷涌注幾絲溫
莫愁湖春日

櫻花如血海棠紅柳岸桃林灼灼穠怕是湖風吹細雨胭脂遍地又春空

贊文懷沙教授

在「文化大革命」中文公無辜被投入囹圄既而江青使李少春邀請參加「寫作班子」以立